



Broj: 11-37-14263-11/18
Datum: 20.11.2018. godine

Na osnovu člana 70. i člana 25. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 11-37-14263-9/18 od 07.11.2018. godine, u postupku javne nabavke „Ustupanje usluga operativne jesenje faze obavezne preventivne sistematske deratizacije na području Zeničko-dobojskog kantona za 2018. godinu“, ministar Ministarstva zdravstva Zeničko-dobojskog kantona, donosi:

ODLUKU o izboru najpovoljnijeg ponuđača

1. Ugovor za „Pružanje usluga operativne jesenje faze obavezne preventivne sistematske deratizacije na području Zeničko-dobojskog kantona za 2018. godinu“ dodjeljuje se Konzorciju ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica, kao najbolje ocijenjenom ponuđaču. Ukupna vrijednost ugovorenih usluga bez PDV-a iznosi 41.320,00 KM, odnosno 48.344,40 KM sa PDV-om.
2. Ponuđač kojem se dodjeljuje ugovor dužan je dostaviti dokumente iz člana 45. Zakona o javnim nabavkama navedene u tački 3.1. i 3.5. tenderske dokumentacije u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
3. Ponuđač kojem se dodjeljuje ugovor dužan je dostaviti dokumente iz člana 46. Zakona o javnim nabavkama navedene u tački 3.3. i 3.5. tenderske dokumentacije u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
4. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o pružanju usluga. U skladu sa tačkom 5.2. u dijelu 5. Ostale odredbe tenderske dokumentacije, ponuđač je dužan dostaviti Garanciju za uredno izvršenje ugovora.
5. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
6. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
7. Za realizaciju ove Odluke zadužuje se Ministarstvo zdravstva Zeničko-dobojskog kantona.

O b r a z l o ž e n j e

Ministarstvo zdravstva Zeničko-dobojskog kantona je, na osnovu Odluke o pokretanju postupka javne nabavke broj: 11-37-14263/18 od 19.09.2018. godine, pokrenulo postupak javne nabavke „Ustupanje usluga operativne jesenje faze obavezne preventivne sistematske deratizacije na području Zeničko-dobojskog kantona za 2018. godinu“

Javna nabavka je provedena po konkurentskom postupku sa predviđenom e-aukcijom putem portala za javne nabavke BiH, u skladu sa članom 25. Zakona o javnim nabavkama. Procijenjena vrijednost nabavke je 41.500,00 KM bez PDV-a.

Ugovorni organ je objavio obavještenje na portalu javnih nabavki broj: 20180-7-2-2-3-2/18 dana 08.10.2018. godine.

Komisija za provođenje postupka javne nabavke, koja je imenovana Rješenjem broj: 14-14-3-14263-1/18 od 26.09.2018. godine, blagovremeno izvršila je javno otvaranje ponuda, te Zapisnikom o otvaranju ponuda, broj: 11-37-14263-7/18 od 24.10.2018. godine, konstatovala da su u predviđenom roku dostavljene dvije ponude ponuda: „Sanacija 3D“ d.o.o. Sarajevo i „Sanitarac“ d.o.o. Vlasenica – zajednička ponuda i ponuda JU Institut za zdravlje i sigurnost hrane Zenica.

Komisija je izvršila pregled i ocjenu ponuda i Zapisnikom o pregledu i ocjeni ponuda, broj: 11-37-14263-9/18 od 07.11.2018. godine, nakon ocjene validnosti blagovremeno dostavljenih ponuda, konstatovala da ponuda ponuđača Institut za zdravlje i sigurnost hrane Zenica nije prihvatljiva i odbacuje se u skladu sa članom 68. Stav (4) tačka i) Zakona o javnim nabavkama iz sljedećih razloga:

- nisu dostavljeni svi dokazi o ispunjenosti uvjeta iz tačke 3.4.b) tenderske dokumentacije (dostavljeni dokazi za sedam kvalificiranih izvršilaca, a tenderskom dokumentacijom su traženi dokazi za osam kvalificiranih izvršilaca) i
- svi listovi nacrtu ugovora nisu parafirani, niti su sve stavke nacrtu ugovora popunjene u skladu sa tačkom 4.14. tenderske dokumentacije.

Komisija je konstatovala da je jedina prihvatljiva ponuda ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica – zajednička ponuda, odnosno dostavljeni su svi traženi dokazi propisani tenderskom dokumentacijom.

Obzirom da je za provođenje postupka javne nabavke bila predviđena e-aukcija, ista nije provedena jer je postojala samo jedna prihvatljiva ponuda. Komisija za javnu nabavku, shodno kriteriju „najniža cijena“, a kao jedino rangiranoj ponudi, dala je preporuku ugovornom organu za donošenje odluke o izboru Konzorcija ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica, kao najpovoljnijeg ponuđača za predmetnu nabavku.

1.	Konzorcij „Sanacija 3D“ d.o.o. Sarajevo i „Sanitarac“ d.o.o. Vlasenica	41.320,00 KM bez PDV-a
----	--	---------------------------

U postupku donošenja ove odluke postupljeno je u skladu sa kriterijima iz tenderske dokumentacije. Naime, u postupku je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog, donesena je odluka kao u dispozitivu.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno: 1x Ponuđači
1x a/a

